

MALAYSIA

DEWAN RAKYAT

ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 18 NOVEMBER 2014, PUKUL 10.00 PAGI

Bil. 50

PERTANYAAN-PERTANYAAN BAGI JAWAB LISAN

1. PR-1323-L64919
Dato' Seri Tiong King Sing [Bintulu] minta **MENTERI PERDAGANGAN ANTARABANGSA DAN INDUSTRI** menyatakan apakah rancangan dan perkembangan proses pembentukan *Economic Cooperation Agreement (ECA)* untuk pelabur-pelabur dan pengusaha-pengusaha antara Malaysia dan Taiwan.
2. PR-1323-L63411
Tuan Wong Sze Phin @ Jimmy [Kota Kinabalu] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan adakah kerajaan persekutuan akan memberi peruntukan dan bekerjasama dengan Dewan Bandaraya Kota Kinabalu untuk membina lebih banyak kawasan atau bangunan meletak kenderaan di bandar raya KK. Jika ya, nyatakan rancangan dan peruntukan yang disediakan.
3. PR-1323-L64247
Dato' Noraini binti Ahmad [Parit Sulong] minta **MENTERI SUMBER ASLI DAN ALAM SEKITAR** menyatakan status terkini pencapaian program MyCarbon yang mensasarkan pengurangan 40 peratus dalam pelepasan gas rumah hijau negara menjelang 2020 berikutan komitmen yang diberi oleh YAB Perdana Menteri pada 2009 di *United Nations Summit on Climate Change*.
4. PR-1323-L64460
Datuk Mohd Idris bin Jusi [Batu Pahat] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan tindakan yang telah dan akan diambil bagi membantu penduduk luar bandar terutama kawasan Rengit dan Senggarang dalam Parlimen Batu Pahat yang berhadapan dengan dwi-masalah yang menekan kenaikan harga barang-barang keperluan harian dan turunnya harga produk keluaran kampung.

5. PR-1323-L64939
Datuk Haji Datu Nasrun bin Datu Mansur [Silam] minta **MENTERI KEWANGAN** menyatakan mengikut format *Special Data Dissemination Standard (SDDS)* Tabung Kewangan Antarabangsa (IMF) rizab antarabangsa Bank Negara Malaysia berjumlah RM422.7 Bilion. Adakah paras rizab ini mampu menunjukkan pemulihan ekonomi Malaysia sekaligus menunjukkan hutang negara Malaysia berada pada paras selesa.
6. PR-1323-L65210
Tuan Manivanan a/l Gowindasamy [Kapar] minta **PERDANA MENTERI** menyatakan :-
 - (a) secara terperinci senarai nama, umur, negeri kelahiran, latar belakang keluarga, dan kejayaan yang dicapai untuk kanak-kanak yang mengikuti program Projek Perintis Permata Negara sejak ia dilaksanakan sehingga hari ini; dan
 - (b) apakah rancangan jangka masa pendek dan jangka masa panjang Projek Perintis Permata Negara supaya setiap kanak-kanak di Malaysia boleh menikmati pendidikan yang sempurna dan berkualiti dan bagaimanakah peruntukkan dana 2014 telah dibelanjakan selaras untuk mencapai objektif berkenaan.
7. PR-1323-L64148
Datuk Koh Nai Kwong [Alor Gajah] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan bagaimanakah tahap keberkesanan Program Bandar Selamat setakat ini dan berapakah bilangan Program Bandar Selamat yang telah diwujudkan.
8. PR-1323-L65066
Puan Teo Nie Ching [Kulai] minta **MENTERI DALAM NEGERI** menyatakan hasil siasatan terhadap insiden rusuhan melibatkan kira-kira 800 pekerja asing di kilang JCY HDD Technology Sdn. Bhd. di Kulai.
9. PR-1323-L63288
Dato' Seri Ong Ka Chuan [Tanjong Malim] minta **MENTERI PERTANIAN DAN INDUSTRI ASAS TANI** menyatakan adakah Kerajaan mempunyai perancangan untuk membuka lebih banyak Pasaraya Agro di seluruh negara untuk membantu para petani memasarkan hasil produk mereka dengan cepat agar para pengguna dapat membeli barangan hasil pertanian yang segar.
10. PR-1323-L65086
Dr. Mohd Hatta bin Md. Ramli [Kuala Krai] minta **MENTERI PERUSAHAAN PERLADANGAN DAN KOMODITI** menyatakan :-
 - (a) langkah yang diambil untuk menyekat keruntuhan harga getah yang menjejaskan kehidupan pekebun kecil getah; dan
 - (b) usaha khusus membantu pekebun kecil secara berterusan bagi meningkatkan pendapatan mereka.

11. PR-1323-L65310
Datuk Sapawi bin Ahmad Wasali [Sipitang] minta **MENTERI PENDIDIKAN** menyatakan usaha diambil untuk meningkatkan lagi kedudukan ranking universiti Malaysia dalam kelompok universiti terbaik dunia. Mengikut QS World University Rankings 2014, Universiti Malaya (UM) berjaya memperbaiki kedudukannya daripada tangga ke-167 pada tahun lepas, kepada 151 pada tahun ini, Universiti Kebangsaan Malaysia (UKM) menduduki tangga ke-259 daripada 269 dan Universiti Teknologi Malaysia (UTM) meningkat ke tangga 294 daripada 355.
12. PR-1323-L64278
Tuan Abdullah Sani bin Abdul Hamid [Kuala Langat] minta **MENTERI DALAM NEGERI** menyatakan apakah langkah kerajaan untuk mengawal pekerja tanpa izin dan keberkesanan terhadap Program 6P yang diperkenalkan sebelum ini.
13. PR-1323-L63814
Datuk Liang Teck Meng [Simpang Renggam] minta **MENTERI DALAM NEGERI** menyatakan apakah perkembangan terkini dalam permohonan Malaysia dalam *Visa Waiver Programme (VWP)* dengan Amerika Syarikat yang akan membolehkan warganegara Malaysia untuk melawat Amerika Syarikat tanpa visa.
14. PR-1323-L63864
Dato' Ngeh Koo Ham [Beruas] minta **MENTERI DALAM NEGERI** menyatakan bagaimana orang ramai boleh menghubungi Bahagian Pengurusan Pekerja Asing di Putrajaya kerana tidak ada orang yang melayan panggilan yang dibuat oleh orang ramai ke talian telefon bahagian tersebut yang diberikan kepada orang ramai iaitu 03-88868000.
15. PR-1323-L63860
Tuan Wilson Ugak Kumbong [Hulu Rajang] minta **MENTERI PERUSAHAAN PERLADANGAN DAN KOMODITI** menyatakan adakah terdapat sebarang perancangan untuk menambahkan bilangan pegawai MPOB bagi tujuan untuk memberikan perkhidmatan dan khidmat nasihat kepada penduduk tempatan di bawah Empangan Bakun yang menjalankan perusahaan kelapa sawit di tanah hak milik sendiri.
16. PR-1323-L64101
Dr. Ong Kian Ming [Serdang] minta **MENTERI PENDIDIKAN** menyatakan mengapa SJKC Bukit Serdang yang diberi peruntukan sebanyak RM6.5 juta untuk membina sebuah sekolah dengan 36 bilik darjah tetapi sekolah yang telah dibina hanya mempunyai 22 bilik darjah.
17. PR-1323-L63758
Dato' Haji Mohd Zaim bin Abu Hasan [Parit] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah hukuman maksimum yang akan dikenakan terhadap beberapa akaun sindiket yang sedang disiasat atas kesalahan penyeludupan diesel sekali gus cubaan menyeleweng subsidi Kerajaan, jika sabit kesalahan.

18. PR-1323-L64598
Tuan Wong Chen [Kelana Jaya] minta **MENTERI PENGANGKUTAN** menyatakan sama ada terdapat mana-mana laluan penerbangan MAS yang menguntungkan yang akan dipindah milik kepada Air Asia dalam usaha menstruktur semula MAS. Jika benar, minta Menteri menjelaskan keputusan ini.
19. PR-1323-L63388
Datuk Aaron Ago anak Dagang [Kanowit] minta **MENTERI KEMAJUAN LUAR BANDAR DAN WILAYAH** menyatakan jumlah dan peratusan jalan utama luar bandar Sabah dan Sarawak yang telah dikenal pasti tetapi belum dapat peruntukan. Adakah Kerajaan mempunyai pelan atau target yang mana semua kampung dan rumah panjang-rumah panjang di kedua negeri dapat kemudahan tersebut.
20. PR-1323-L64682
Tuan Mohamed Azmin bin Ali [Gombak] minta **MENTERI PENDIDIKAN** menyatakan apakah Lembaga Peperiksaan Malaysia (LPM) tidak menyediakan set soalan alternatif bagi Ujian Penilaian Sekolah Rendah (UPSR) 2014 hingga ia terpaksa ditangguhkan.
21. PR-1323-L64236
Tuan Haji Ahmad Lai bin Bujang [Sibuti] minta **MENTERI SUMBER MANUSIA** menyatakan :-
- (a) adakah pihak jabatan buruh menerima aduan mengenai kes-kes berkaitan pekerja di sektor industri minyak dan gas di bandaraya Miri yang teraniaya oleh majikan dalam industri tersebut; dan
 - (b) adakah komposisi rakyat tempatan mengisi penjawatan dalam bidang industri minyak dan gas seimbang di syarikat gergasi seperti Petronas dan Syarikat Konsultan yang beroperasi di Miri.
22. PR-1323-L63321
Puan Siti Zailah binti Mohd Yusoff [Rantau Panjang] minta **PERDANA MENTERI** menyatakan apakah usaha Kerajaan untuk memastikan produk yang disahkan halal sahaja berada di pasaran untuk dipasarkan kepada umat Islam dalam negara kita dan apakah cabaran utama setakat ini.
23. PR-1323-L63441
Datuk Dr. Haji Abd. Latiff bin Haji Ahmad [Mersing] minta **MENTERI PENGANGKUTAN** menyatakan memandangkan perairan Selat Melaka merupakan salah satu laluan pelayaran yang terpenting di dunia:-
- (a) berapakah anggaran kapal dagang yang menggunakan perairan berkenaan setiap tahun; dan
 - (b) sepanjang lima tahun yang lalu, berapakah jumlah kes rompakan terhadap kapal-kapal dagang. Apakah langkah yang diambil untuk mencegah aktiviti rompakan berkenaan.

24. PR-1323-L64702
Tuan Chua Tian Chang @ Tian Chua [Batu] minta **MENTERI PEMBANGUNAN WANITA, KELUARGA DAN MASYARAKAT** menyatakan berapa jumlah orang yang menerima pertolongan kewangan dari JKM telah diberhentikan semenjak tahun 2013 atas alasan tiada dana. Ada juga di antara golongan OKU yang diberhentikan pertolongan, sila jelaskan.
25. PR-1323-L63366
Datuk Joseph Salang anak Gandum [Julau] minta **PERDANA MENTERI** menyatakan sama ada Kementerian tersebut bersedia mengambil tindakan sewajarnya terhadap mana-mana kumpulan atau individu yang tidak menghiraukan warna, agama atau keturunan yang terang-terang dengan sengaja mencuba untuk menimbulkan kegusaran dan keresahan kaum sasaran mereka.
26. PR-1323-L65044
Tuan Sim Chee Keong [Bukit Mertajam] minta **MENTERI PEMBANGUNAN WANITA, KELUARGA DAN MASYARAKAT** menyatakan status pelaksanaan Akta Pendaftaran Penjenayah Seksual yang telah dijanjikan sejak tahun 2007.
27. PR-1323-L65248
Tan Sri Datuk Seri Panglima Joseph Pairin Kitingan [Keningau] minta **MENTERI DALAM NEGERI** menyatakan mengapakah proses mewariskan senjata api kepada anak atau saudara terdekat memakan masa yang lama dan kadangkala sukar diproses sedangkan syarat-syarat yang telah ditetapkan sudah dipatuhi.
28. PR-1323-L63605
Dato' Kamarul Baharin bin Abbas [Telok Kemang] minta **PERDANA MENTERI** menyatakan :-
- (a) berapakah jumlah produk dalam pasaran Malaysia yang telah mendapat Sijil Halal berbanding yang tidak mendapat Sijil Halal; dan
 - (b) apakah jumlah tersebut telah mencapai 100 % keperluan pensijilan halal bagi semua jenis produk dalam pasaran Malaysia.
29. PR-1323-L63644
Ir. Shaharuddin bin Ismail [Kangar] minta **MENTERI KEMAJUAN LUAR BANDAR DAN WILAYAH** menyatakan kenapakah RTC (Pusat Transformasi Luar Bandar) tidak dapat dilaksanakan di Perlis sedangkan ianya telah dibentangkan dalam bajet yang lalu.
30. PR-1323-L64333
Dr. Haji Izani bin Haji Husin [Pengkalan Chepa] minta **PERDANA MENTERI** menyatakan Bajet Tahunan Jabatan Pembangunan Persekutuan (JPP) Kelantan bermula Mei 2013 sehingga Mei 2014 iaitu dari segi emolumen dan juga pembangunan infrastruktur.

31. PR-1323-L63344
Datuk Wee Jeck Seng [Tanjong Piai] minta **MENTERI PENGANGKUTAN** menyatakan apakah bentuk perlindungan yang diberi dan dijamin oleh Kerajaan kepada petugas-petugas yang menjalankan siasatan di kawasan nahas MH17.
32. PR-1323-L64538
Tuan Su Keong Siong [Ipoh Timor] minta **PERDANA MENTERI** menyatakan status program I-Sinar yang telah diberikan peruntukan RM28 juta di bawah Bajet 2014. Namakan sekolah-sekolah yang terlibat, kumpulan sasaran dan matlamat khusus dalam program ini.
33. PR-1323-L63893
Ust. Dato' Dr. Mohd. Khairuddin bin Aman Razali [Kuala Nerus] minta **MENTERI PERTANIAN DAN INDUSTRI ASAS TANI** menyatakan pendirian Kerajaan terhadap penggunaan pukut tunda.
34. PR-1323-L64024
Tuan Zairil Khir Johari [Bukit Bendera] minta **PERDANA MENTERI** menyatakan jumlah orang yang didakwa di bawah Akta Hasutan sejak tahun 2004 sehingga sekarang dengan memberi pecahan mengikut tahun.
35. PR-1323-L64681
Tuan Wan Hasan bin Mohd Ramli [Dungun] minta **MENTERI SUMBER MANUSIA** menyatakan keberkesanan penguatkuasaan terhadap pelaksanaan gaji minima kepada pekerja-pekerja swasta dan apakah tindakan terhadap majikan yang tidak mematuhi arahan tersebut.
36. PR-1323-L65296
Dato' Ir. Haji Nawawi bin Ahmad [Langkawi] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah tindakan Kerajaan untuk memperbaiki sebuah insinerator yang telah siap dibina di Langkawi di kawasan Belanga Pechah, Mukim Ayer Hangat tetapi tidak beroperasi. Keadaan tersebut menyebabkan air dari sampah dari insinerator tersebut mengalir masuk ke sungai bersebelahan yang akhirnya mengeluarkan bau yang busuk.
37. PR-1323-L65227
Tuan Mohamed Hanipa bin Maidin [Sepang] minta **MENTERI PENDIDIKAN** menyatakan berapa jumlah sekolah menengah baru yang akan didirikan di Parlimen Sepang dan di manakah sekolah-sekolah itu akan dibina dan bila kerja-kerja pembinaan akan dimulakan.
38. PR-1323-L64612
Tan Sri Dato' Seri Abd Khalid bin Ibrahim [Bandar Tun Razak] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan butiran terperinci mengenai mekanisme subsidi bahan api terbaharu, lengkap dengan kajian impak menyeluruh terhadap isu berkaitan kedudukan fiskal, ketirisan subsidi, kadar inflasi dan kos sara hidup, taraf hidup rakyat terutama golongan berpendapatan rendah.

39. PR-1323-L65356
Tan Sri Dato Sri William Mawan Ikom [Saratok] minta **MENTERI DALAM NEGERI** menyatakan :-
- (a) apakah langkah-langkah keselamatan yang telah diambil oleh PDRM di Sarawak untuk menjaga keselamatan pelancong dan warga asing; dan
 - (b) adakah Kementerian bercadang mengehendkan masa operasi kelab malam di Sarawak supaya tidak melebihi jam 12 tengah malam mengambil kira masalah keselamatan.
40. PR-1323-L65372
Datuk Ikmal Hisham bin Abdul Aziz [Tanah Merah] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah langkah yang akan dilakukan oleh Kementerian itu dalam menangani tindakan Persatuan Pemaju Hartanah dan Perumahan Malaysia (REHDA) yang menyatakan harga rumah akan naik tiga hingga empat peratus berikutan pelaksanaan Cukai Barangan dan Perkhidmatan GST pada 1 April tahun depan.
41. PR-1323-L63361
Datuk Johari bin Abdul Ghani [Titiwangsa] minta **PERDANA MENTERI** menyatakan Skim Jejak Jaya Bumiputera atau SJJB di bawah kendalian TERAJU diwujudkan sebagai inisiatif Kerajaan bagi membantu syarikat-syarikat Bumiputera yang berkecukupan untuk disenaraikan ke Bursa Malaysia. Berapakah jumlah syarikat yang telah berjaya disenaraikan ke Bursa Malaysia di bawah skim ini sejak skim ini diperkenalkan. Dan dalam industri apakah syarikat-syarikat ini beroperasi.
42. PR-1323-L63917
Tuan Nik Mohamad Abduh bin Nik Abdul Aziz [Pasir Mas] minta **MENTERI BELIA DAN SUKAN** menyatakan perancangan untuk membendung keganasan penyokong bola sepak yang dilihat terus menerus berleluasa.
43. PR-1323-L64050
Dato' Johari bin Abdul [Sungai Petani] minta **MENTERI DALAM NEGERI** menyatakan :-
- (a) adakah benar seperti yang dilaporkan kanak-kanak tanpa kewarganegaraan di Sabah dan Sarawak telah mencecah 14 ribu orang hanya dalam tahun 2013 hingga April 2014; dan
 - (b) kenapa ini terjadi dan apakah tindakan jangka pendek dan jangka panjang bagi mengatasi masalah ini.
44. PR-1323-L65200
Datuk Seri Panglima Haji Abdul Ghapur bin Haji Salleh [Kalabakan] minta **MENTERI PENGANGKUTAN** menyatakan berapakah kos pencarian dan pengurusan dua penerbangan MAS MH 370 dan MH17.

45. PR-1323-L63601

Tuan Sim Tong Him [Kota Melaka] minta **MENTERI PELANCONGAN DAN KEBUDAYAAN** menyatakan tentang pemantauan dan pengawalan projek-projek pelancongan yang telah dilaksanakan:-

- (a) bagaimanakah dengan prestasi dan sambutan lima projek pelancongan di negeri Melaka di bawah RMK-10 ; dan
- (b) berikan angka-angka pelancongan dan pelancong tambahan kelima projek ini untuk tahun 2013.

ATURAN URUSAN MESYUARAT DAN USUL-USUL

1. **Menyambung Semula Pertimbangan ke atas Rang Undang-undang Perbekalan 2015 (D.R.15 /2014) dan Usul Anggaran Perbelanjaan Pembangunan 2015 seperti berikut:-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari lima puluh bilion empat ratus sembilan puluh sembilan juta sembilan ratus sembilan puluh empat ribu ringgit (RM 50,499,994,000) dibelanjakan daripada Kumpulan Wang Pembangunan bagi tahun 2015, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2015, yang dibentangkan sebagai Kertas Perintah 42 Tahun 2014, adalah diuntukkan di bawah Maksud-maksud yang berkenaan jumlah-jumlah yang bersempena dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (18 November, 2014)

2. (D.R 10/2014) Rang Undang-undang Penjara (Pindaan) (No.2) 2014 -
Menyambung semula Perbahasan atas masalah,
“Bahawa Rang Undang-undang ini dibacakan kali
yang kedua sekarang”
(9 Oktober, 2014)

[Menteri Dalam Negeri]
3. (D.R 19/2014) Rang Undang-undang Kewangan (No.2) 2014 **Bacaan Kali**

[Menteri Kewangan]
4. (D.R 11/2014) Rang Undang-undang Tatacara “
Kewangan (Pindaan) 2014

[Menteri Kewangan]
5. (D.R 13/2014) Rang Undang-undang Kumpulan Wang “
Amanah Negara (Pindaan) 2014

[Menteri Kewangan]

- | | | | |
|-----|---|--|---|
| 6. | (D.R 12/2014) | Rang Undang-undang Wang Tak Dituntut (Pindaan) 2014 | “ |
| | | [Menteri Kewangan] | |
| 7. | (D.R 14/2014) | Rang Undang-undang Kumpulan Wang Pinjaman Perumahan (Pindaan) 2014 | “ |
| | | [Menteri Kewangan] | |
| 8. | (D.R 16/2014) | Rang Undang-undang Suruhanjaya Syarikat Malaysia (Pindaan) 2014 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 9. | (D.R 17/2014) | Rang Undang-undang Pendaftaran Perniagaan (Pindaan) 2014 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 10. | (D.R 18/2014) | Rang Undang-undang Perkongsian Liabiliti Terhad (Pindaan) 2014 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 11. | Menteri Kewangan akan mencadangkan:- | | |

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan pinjaman Kerajaan Malaysia sebanyak RM400 juta kepada Malaysia Debt Ventures Berhad (MDV), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Empat Ratus Juta (400,000,000) unit saham biasa pada nilai RM1 bagi satu unit saham”.

12. **Menteri Kewangan** akan mencadangkan:-

“Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

“Kumpulan Wang Amanah Tabung Konservasi Sumber Asli Nasional”

13. **Menteri Kewangan** akan mencadangkan:-

“Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

“Kumpulan Wang Amanah Fi Jaminan”

14. **Menteri Kewangan** akan mencadangkan:-

"Bahawa Dewan ini, mengikut peruntukan di bawah perenggan 10(4)(a) Akta Tatacara Kewangan 1957, membuat ketetapan bersetuju supaya menambah ke dalam jadual Kedua Akta tersebut kumpulan wang yang dikenali sebagai –

‘ Kumpulan Wang bagi Pembayaran Balik Cukai Barang dan Perkhidmatan’ “

15. **Menteri Kewangan** akan mencadangkan:-

"Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], membuat ketetapan bersetuju supaya Kerajaan Malaysia melalui Menteri Kewangan (Diperbadankan) membuat pelaburan dengan menukar baki pinjaman Kerajaan Malaysia sebanyak RM475.59 juta kepada Prasarana Malaysia Berhad, sebuah syarikat dimiliki sepenuhnya oleh Menteri Kewangan (Diperbadankan), kepada ekuiti dalam Prasarana Malaysia Berhad bersamaan dengan Empat Ratus Tujuh Puluh Lima Juta Lima Ratus Sembilan Puluh Ribu (475,590,000) unit saham biasa pada nilai RM1 bagi satu unit saham.”

16. PR-1323-U63530

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ketiadaan "Standby Generator" di Klinik Kesihatan Putatan telah menimbulkan banyak kerumitan kepada pengguna dan pengendali Klinik Kesihatan Putatan. Dan mengambil maklum juga, bahawa dengan kekerapan gangguan bekalan elektrik yang dihadapi oleh Negeri Sabah pada ketika ini, ada kalanya klinik tersebut tidak dapat berfungsi sehingga beberapa jam sehari dan dikhuatiri akan mendatangkan kemudaratan dalam kes kecemasan. Dan mengambil maklum juga bahawa, para pengguna Klinik Kesihatan Putatan bukan sahaja yang datang daripada daerah Putatan tetapi juga dari kawasan berdekatan seperti Tanjung Aru, Kepyayan, Petagas dan Kinarut. Dan mengambil maklum juga bahawa, selain keadaan gelap gelita dan kelim kabut ketika berlaku gangguan bekalan elektrik, ianya juga membuatkan rakyat mula merungut tentang mutu perkhidmatan kesihatan yang disediakan oleh pihak Kementerian. Maka, bagi mengatasi masalah, Dewan ini hendaklah mengambil ketetapan bahawa, pihak Kementerian hendaklah memasang "Standby Generator Set" bagi Klinik Kesihatan Putatan."

[Kementerian Kesihatan]

17. PR-1323-U63531

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, gangguan bekalan elektrik di negeri Sabah kian menjadi-jadi di mana dikatakan daripada tahap teruk kepada tahap parah". Dan mengambil maklum juga, bahawa setiap kali gangguan bekalan elektrik berlaku, terdapat banyak rungutan dari kalangan rakyat mengenai dengan kerugian daripada segi produktiviti, hasil dan juga kerosakan harta benda. Dan mengambil maklum juga bahawa setiap gangguan bekalan elektrik berlaku, wakil rakyat akan diburu dan dipersalahkan.

Dan mengambil maklum juga bahawa, kenyataan demi kenyataan oleh pihak berwajib bahawa gangguan bekalan elektrik di negeri Sabah akan dapat diatasi tetapi sehingga kini gangguan bekalan elektrik tetap berlaku malah semakin kerap. Maka, demi untuk kesejahteraan rakyat, Dewan ini hendaklah mengambil ketetapan bahawa, pihak Kementerian mengambil satu tindakan yang drastik jangka pendek dan jangka panjang bagi mengatasi masalah gangguan bekalan elektrik di negeri Sabah. "

[Kementerian Tenaga, Teknologi Hijau dan Air]

18. PR-1323-U63540

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, sejak akhir-akhir ini, terdapat banyak seruan untuk membawa negeri Sabah dan Sarawak keluar daripada Persekutuan Malaysia. Dan mengambil maklum juga, bahawa seruan ini adalah kononya berikutan dengan ketidakpuasan hati segelintir rakyat di kedua-dua negeri ini mengenai dengan isu-isu seperti royalti minyak, tarikh kemerdekaan, pengagihan dana pembangunan serta status ekonomi Bumiputera Negeri Sabah dan Sarawak.

Dan mengambil maklum juga bahawa, dalam kes negeri Sabah, Isu Pembentangan Laporan Suruhanjaya Siasatan Diraja mengenai pendatang asing tanpa izin yang dikatakan dilengah-lengahkan serta kebanjiran pendatang asing tanpa izin ke negeri Sabah yang dikatakan telah menggugat keselamatan negara, telah memburukkan lagi keadaan. Dan juga mengambil maklum bahawa, sentimen Anti-Persekutuan dan sentimen Anti Sabah dan Sarawak yang dimainkan oleh segelintir pihak kini kian merebak dengan serius dan, ini kalau tidak ditangani dengan kadar segera akan menyebabkan kacau bilau dan menggugat keharmonian negara. Serta mengambil maklum juga bahawa, terdapat juga kenyataan-kenyataan pemimpin Kerajaan, NGO dan orang perseorangan yang dianggap kurang sensitif kepada perasaan penduduk negeri Sabah dan Sarawak. Maka, bagi menangani masalah ini, Dewan ini hendaklah mengambil ketetapan bahawa, Kerajaan hendaklah mengambil tindakan tegas kepada mereka yang bertanggungjawab, sama ada dari pihak awam, NGO, pemimpin Kerajaan dan pembangkang agar sentimen Anti-Persekutuan serta anti Sabah dan Sarawak dapat dibendung. Kerajaan juga hendaklah bertindak untuk menutup mana-mana laman sosial yang telah dibuktikan terlibat dalam gejala ini."

[Kementerian Dalam Negeri]

19. PR-1323-U63554

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kemalangan yang melibatkan maut terutama sekali kenderaan awam kian meningkat kerana disebabkan oleh pemanduan laju. Dan mengambil maklum juga, bahawa kadar kemalangan ini meningkat terutama sekali dalam musim perayaan di mana para pengusaha dan pemandu kenderaan pengangkutan awam cuba memaksimumkan keuntungan dengan tanpa menghiraukan keselamatan penumpang. Dan mengambil maklum juga bahawa, pihak berkuasa seperti Suruhanjaya Pengangkutan Awam Darat, Jabatan Pengangkutan Jalan dan Polis Diraja Malaysia menghadapi kekangan kekurangan tenaga anggota serta jarak untuk menguatkuasakan had laju. Dan mengambil maklum juga bahawa, kuasa pengguna (penumpang) kenderaan pengangkutan awam boleh membantu pihak berkuasa untuk menentukan had laju kenderaan yang mereka tumpang dengan menegur pemandu tersebut apabila mereka melepasi had laju yang dibenarkan. Dan mengambil maklum juga bahawa pemasangan meter kelajuan kedua serta alat penggera di dalam kenderaan pengangkutan awam akan membolehkan para penumpang menyedari bahawa kenderaan yang mereka naiki telah melepasi had laju yang dibenarkan dan sekali gus menegur si pemandu tadi dan ini dapat mengelakkan kemalangan daripada berlaku. Maka, bagi menangani masalah kemalangan yang disebabkan oleh pemanduan laju, dewan ini hendaklah mengambil ketetapan bahawa, semua kenderaan pengangkutan awam hendaklah dipasang dengan meter kelajuan kedua dan alat penggera. "

[Perdana Menteri]

20. PR-1323-U63967

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa Kerajaan telah gagal untuk perhatin terhadap situasi pemerdagangan manusia dan mengambil tindakan dalam kes-kes pemerdagangan manusia sehingga Malaysia telah turun gred sehingga ke Tahap 3 (Tier 3) seperti yang dilaporkan oleh Kerajaan Amerika Syarikat dalam Laporan Pemerdagangan Orang 2014 (Trafficking in Persons Report 2014). Dalam keadaan ini Dewan ini mengarah Perdana Menteri mengambil tindakan untuk mengatasi masalah ini dengan segera."

[Kementerian Dalam Negeri]

21. PR-1323-U64509

Dr. Tan Seng Giaw [Kepong] akan mencadangkan:-

"Bahawa Dewan ini membahaskan dasar dan langkah untuk mencegah ekstremisme di Malaysia. "

[Kementerian Dalam Negeri]

22. PR-1323-U64511

Dr. Tan Seng Giaw [Kepong] akan mencadangkan:-

"Bahawa Dewan ini membincangkan dasar perubahan iklim."

[Kementerian Sumber Asli dan Alam Sekitar]

23. PR-1323-U65224

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Di Raja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan"

[Kementerian Dalam Negeri]

24. PR-1323-U65226

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Kementerian Pendidikan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN</u> <u>2014</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.107	Laporan Tahunan Dan Penyata Kewangan Lembaga Pembangunan Pelaburan Malaysia (MIDA) Bagi Tahun 2013	18 November 2014
ST.115	Laporan Tahunan dan Penyata Kewangan Suruhanjaya Syarikat Malaysia (SSM) Bagi Tahun 2013	18 November 2014